



Број: 01/4-50-3-4-48/17
Сарајево, 25.7.2017.

Z A P I S N I K

48. sjednice Komisije za finansije i budžet Predstavničkog doma Parlamentarne skupštine BiH, održane 24.7.2017., od 13 do 14,10 sati.

Sjednici Komisije prisustvovali su članovi: Predrag Kožul, Salko Sokolović, Amir Fazlić, Aleksandra Pandurević, Dušanka Majkić i Mirsad Isaković.

Sa sjednice su opravdano odsustvovali: Nenad Lalić, Jasmin Emrić i Damir Bećirović.

Također, sjednici su prisustvovali: Vjekoslav Bevanda, ministar, Saša Marić, šef Kabineta ministra, Vlatko Dugandžić, pomoćnik ministra, Sehija Mujkanović, pomoćnica ministra, i Amela Hasanbegović, šefica Odsjeka u Ministarstvu finansija i trezora BiH, Jelena Despot, politička savjetnica u OHR-u, Christian Haupt, direktor projekta USAID SGIP, Robert Vidović, sekretar Komisije za finansije i budžet Doma naroda PSBiH, Zoran Brkić, viši stručni saradnik u Odjelu za informiranje Sektora za odnose s javnošću Sekretarijata PSBiH, Bojan Milošević i Kerim Hajdarović, volonteri u PSBiH, Vlade Srdanović, stručni saradnik, te Željko Kosmajac, sekretar Komisije.

Sjednici su prisustvovali i predstavnici medija: Snežana Samardžija, novinarka SRNA-e, Željka Domazet, novinarka Glasa Srpske, Mirsada Lingo, novinarka Nezavisnih novina, i Aida Kovač, novinarka FENA-e.

Sjednicom je predsjedavao Predrag Kožul, predsjedavajući Komisije.

Za sjednicu je predložen sljedeći

DNEVNI RED

1. Usvajanje Zapisnika 47. sjednice Komisije;
2. Razmatranje Izvještaja o izvršenju Budžeta institucija BiH i međunarodnih obaveza BiH za 2016. godinu (podnosilac: Predsjedništvo BiH);
3. Ponovno razmatranje Izvještaja o radu Vijeća ministara BiH za 2016. godinu u dijelu nadležnosti Komisije za finansije i budžet Predstavničkog doma Parlamentarne skupštine BiH, i to za Ministarstvo finansija i trezora BiH, u skladu sa zaključkom 49. sjednice Predstavničkog doma, broj: 01,02-50-19-1411/17, od 5.6.2017.;
4. Razmatranje Informacije Ministarstva finansija i trezora BiH o postupanju po Izvještaju o reviziji izvršenja Budžeta institucija BiH za 2015. godinu (sačinilac: Ministarstvo finansija i trezora BiH);

5. Razmatranje Informacije o raspodjeli i korištenju sredstava tekuće budžetske rezerve za period januar - mart 2017. godine (sačinilac: Ministarstvo finansija i trezora BiH).

Predsjedavajući je otvorio raspravu o dnevnom redu u kojoj su učestvovali: Salko Sokolović, Predrag Kožul, Dušanka Majkić i Vjekoslav Bevanda, ministar finansija i trezora BiH.

Dušanka Majkić predložila je da se tačka 2. Razmatranje Izvještaja o izvršenju Budžeta institucija BiH i međunarodnih obaveza BiH za 2016. godinu skine s dnevnog reda 48. sjednice Komisije zbog dosadašnje prakse da se izvještaj o izvršenju budžeta institucija BiH i međunarodnih obaveza BiH razmatra zajedno sa izvještajem o reviziji izvještaja o izvršenju budžeta institucija BiH.

Također, Dušanka Majkić predložila je da se i tačka 4. Razmatranje Informacije Ministarstva finansija i trezora BiH o postupanju po Izvještaju o reviziji izvršenja Budžeta institucija BiH za 2015. godinu skine s dnevnog reda kako bi se razmatrala zajedno sa Izvještajem o izvršenju Budžeta institucija BiH i međunarodnih obaveza BiH za 2016. godinu.

Komisija je potom jednoglasno odlučila da se s dnevnog reda 48. sjednice Komisije za finansije i budžet Predstavničkog doma skine tačka 2. Razmatranje Izvještaja o izvršenju Budžeta institucija BiH i međunarodnih obaveza BiH za 2016. godinu.

Također, Komisija je jednoglasno usvojila i sljedeći zaključak:

„Komisija za finansije i budžet Predstavničkog doma PSBiH odgađa izjašnjavanje o Izvještaju o izvršenju Budžeta institucija BiH i međunarodnih obaveza BiH za 2016. godinu do dostave Izvještaja o reviziji Izvještaja o izvršenju Budžeta institucija BiH za 2016. godinu koji će Komisija razmatrati zajedno, u skladu s Planom razmatranja revizorskih izvještaja o finansijskom poslovanju institucija BiH za 2016. godinu.“

Potom je Komisija, s dva glasa „za“ i četiri glasa „protiv“, odbacila prijedlog Dušanke Majkić da se s dnevnog reda skine tačka 4. Razmatranje Informacije Ministarstva finansija i trezora BiH o postupanju po Izvještaju o reviziji izvršenja Budžeta institucija BiH za 2015. godinu.

Zatim je predsjedavajući Komisije zatražio da se članovi Komisije izjasne o izmijenjenom dnevnom redu, nakon čega je konstatirao da je jednoglasno usvojen sljedeći:

DNEVNI RED

1. Usvajanje Zapisnika 47. sjednice Komisije;
2. Ponovno razmatranje Izvještaja o radu Vijeća ministara BiH za 2016. godinu u dijelu nadležnosti Komisije za finansije i budžet Predstavničkog doma Parlamentarne skupštine BiH, i to za Ministarstvo finansija i trezora BiH, u skladu sa zaključkom 49. sjednice Predstavničkog doma, broj: 01,02-50-19-1411/17, od 5.6.2017.;

3. Razmatranje Informacije Ministarstva finansija i trezora BiH o postupanju po Izvještaju o reviziji izvršenja Budžeta institucija BiH za 2015. godinu (sačinilac: Ministarstvo finansija i trezora BiH);
4. Razmatranje Informacije o raspodjeli i korištenju sredstava tekuće budžetske rezerve za period januar - mart 2017. godine (sačinilac: Ministarstvo finansija i trezora BiH).

Ad.1. Usvajanje Zapisnika 47. sjednice Komisije

Zapisnik 47. sjednice Komisije usvojen je jednoglasno, bez primjedbi.

Ad.2. Ponovno razmatranje Izvještaja o radu Vijeća ministara BiH za 2016. godinu u dijelu nadležnosti Komisije za finansije i budžet Predstavničkog doma Parlamentarne skupštine BiH, i to za Ministarstvo finansija i trezora BiH, u skladu sa zaključkom 49. sjednice Predstavničkog doma, broj: 01,02-50-19-1411/17, od 5.6.2017.

Predsjedavajući je u uvodnoj napomeni naglasio da je na 47. sjednici, održanoj 4.7.2017., Komisija razmatrala Izvještaj o radu Vijeća ministara BiH za 2016. godinu, s posebnim naglaskom na izvještaje o radu Ministarstva finansija i trezora BiH, Uprave za indirektno oporezivanje BiH i Agencije za javne nabavke BiH za 2016. godinu, koje nije prihvatila. Predstavnički dom je na 49. sjednici, održanoj 5.7.2017., odgodio raspravu o Izvještaju do naredne sjednice Predstavničkog doma i usvojio zaključak kojim se zadužuju komisije Doma da u prisustvu ministara održe raspravu o Izvještaju.

Izvještaj o radu Ministarstva finansija i trezora BiH za 2016. godinu obrazložio je Vjekoslav Bevanda, ministar finansija i trezora BiH.

Potom je predsjedavajući otvorio raspravu u kojoj su učestvovali: Dušanka Majkić, Mirsad Isaković, Salko Sokolović, Predrag Kožul i Vjekoslav Bevanda, ministar finansija i trezora BiH.

Nakon rasprave, Komisija, s tri glasa „za“ i tri glasa „protiv“, nije prihvatila Izvještaj o radu Vijeća ministara BiH u dijelu nadležnosti Komisije, i to za Ministarstvo finansija i trezora BiH.

Ad.3. Razmatranje Informacije Ministarstva finansija i trezora BiH o postupanju po Izvještaju o reviziji izvršenja Budžeta institucija BiH za 2015. godinu (sačinilac: Ministarstvo finansija i trezora BiH)

Informaciju Ministarstva finansija i trezora BiH o postupanju po Izvještaju o reviziji izvršenja Budžeta institucija BiH za 2015. godinu obrazložio je Vjekoslav Bevanda, ministar finansija i trezora BiH.

Potom je predsjedavajući otvorio raspravu u kojoj su učestvovali: Dušanka Majkić, Predrag Kožul i Vjekoslav Bevanda, ministar finansija i trezora BiH.

Nakon rasprave, predsjedavajući je konstatirao da je Komisija primila k znanju materijal iz ove tačke dnevnog reda.

Ad.4. Razmatranje Informacije o raspodjeli i korištenju sredstava tekuće budžetske rezerve za period januar - mart 2017. godine (sačinilac: Ministarstvo finansija i trezora BiH).

Informaciju o raspodjeli i korištenju sredstava tekuće budžetske rezerve za period januar - mart 2017. godine obrazložio je Vjekoslav Bevanda, ministar finansija i trezora BiH.

Potom je predsjedavajući konstatirao da je Komisija primila k znanju materijal iz ove tačke dnevnog reda.

Sekretar Komisije

Željko Kosmajac

Predsjedavajući Komisije

Predrag Kožul

Prilog: Neautorizirani transkript 48. sjednice Komisije za finansije i budžet PDPSBiH